



UNIVERSITÄTS-  
BIBLIOTHEK  
PADERBORN

**P. Virgilio Maronis Aliorumque Poetarum Opuscula, Sive  
Lvsvs**

**Vergilius Maro, Publius**

**Antverpiae, 1566**

Ad villam Scironis.

---

[urn:nbn:de:hbz:466:1-69268](https://nbn-resolving.org/urn:nbn:de:hbz:466:1-69268)



## Ad villam Scironis.

Villula, quæ Scironis eras, & pauper agelle,  
 Verùm illi domino tu quoque diuitia:  
 Me tibi, & hos unâ mecum, quos semper amavi:  
 Si quid de patria tristius audiero,  
 Commendo, in primis que patrem. tu nunc eris illi,  
 Mantua quod fuerat, quod que Cremona prius.

\*  
 Pauca mihi, niueo sed non incognita Phœbo,  
 10 Pauca mihi doctæ dicite Pegasides.  
 Victor adest magni, magnum decus ecce triumphi.  
 Victor quæ terra, quæque patent maria:  
 Horrida Barbaricæ portans insignia pugna,  
 Magnus ut Aeneides, ut que superbus Eryx.  
 15 Nec minus iccirco nostros expromere cantus  
 Maximus, & sanctos dignus inire choros.  
 Hoc itaque insuetis iactor magis optime curis:  
 Quid de te possim scribere, quid hinc tibi.  
 Nanque, fatebor enim, quæ maxima deterrendi  
 20 Debuit, hortandi maxima causa fuit,  
 Pauca tua in nostras venerunt carmina chartas,  
 Carmina cum lingua, tum sale Cecropio.  
 Carmina, quæ Pylimum sacris accepta futuris,  
 Carmina, quæ Pylimum vincere digna senem.  
 25 Molliter hinc viridi patule sub tegmine quercus  
 Mœris pastores & Melibœus erant.  
 Dulcia iactantes alterno carmina versu,  
 Qualia Trinacriæ doctus amat iuuenis.  
 Certatim ornabant omnes Heroida Diuæ:  
 30 Certatim Diuæ munere quæ que suo.  
 Felicem ante alias tanto scriptore puellam:  
 Alter non famam dixerit ipse prior.



Non illa, Hesperidum ni munere capta fuisset,  
 Quae volucrem cursu vicerat Hippomanem:  
 Candida cycneo non edita Tyndaris ouo,  
 Non supero fulgens Cassiopeia polo.  
 Non defensa diu volucrum certamine equorum, 5  
 Optabant Graiae quam sibi quaeque manus.  
 Saepe animam generi pro qua pater impius hausit:  
 Saepe rubro Eleis sanguine fluxit humus.  
 Regia non Semele, non Inachis Acrisione,  
 Immitti exspectant fulmine, & imbre Iouem. 10  
 Cuius & ob raptum pulsi liquere Penates  
 Tarquini patrios, filius, atque pater.  
 Illo, quo primum dominatus Roma superbos  
 Mutauit placidis tempore Consulibus.  
 Multa neque immeritis donauit premia alumnis: 15  
 Praemia Messallis maxima Poplicolis.  
 Nam quid ego immensi memorem studia ista laboris?  
 Horrida quid dura tempora militiae?  
 Castra foro solitos urbi praepone castra  
 Tam procul hoc nato, tam procul hac patria? 20  
 Immoderata pati nunc frigora, nunc que calores?  
 Stertere vel dura posse super silice?  
 Saepe trucem aduerso perlabi sidere Pontum?  
 Saepe audendo mare vincere, saepe hiemem?  
 Saepe etiam densos immittere corpus in hosteis: 25  
 Communem belli nec timuisse Deum?  
 Nunc celereis Afros, periturae que millia gentis:  
 Aurea nunc rapidi flumina adire Tagi?  
 Nunc aliam ex alia bellando querere gentem?  
 Vincere & Oceani sinibus ulterius? 30  
 Non nostrum est, inquam, tantas attingere laudes:  
 Quin, ausim hoc etiam dicere, vix hominum est.

Ipsa



*Ipsa, hac ipsa ferent rerum monumenta per orbem:*

*Ipsa sibi egregium facta decus parient.*

*Nos ea, quae tecum finxerunt carmina Diui*

*Cynthius, & Musa, Bacchus, & Aglaie.*

5 *Si laudes adspirem, humili sed adire Camena:*

*Si patrio Graios carmine adire sales*

*Possumus: optatis plus iam procedimus ipsis.*

*Hoc satis est, pingui nil mihi cum populo.*

10 *Adspice quem valido subnixum gloria regno*

*Altius & cali sedibus extulerat.*

*Terrarum hic bello magnum concusserat orbem:*

*Hic Reges Asia fregerat, & populos.*

*Hic graue seruitium tibi, iam tibi Roma ferebat.*

15 *Cetera nanque viri cuspide conciderant:*

*Cum subito in medio rerum certamine praeceps*

*Corruit, è patria pulsus in exilium.*

*Tale Dea numen, tali mortalia nutu*

*Fallax momento temporis hora dedit.*

20

*Quocunque ire ferunt varia nos tempora vita,*

*Tangere quas terras, quosque videre homines:*

*Dispeream, si te fuerit mihi carior alter.*

*Alter enim quis te dulcior esse potest?*

25 *Cui Venus ante alios, Diui, Diuumque sorores.*

*Cuncta neque indigno, Musa, dedere bona,*

*Cuncta, quibus gaudet Phœbus, chorus ipsèque Phœbi.*

*Doctior o quis te Musa fuisse potest?*

*O quis te in terris loquitur incundior uno?*

30 *Cleio nam certè candida non loquitur.*

*Quare illud satis est, si te permittis amari:*

*Non contrà ut sit amor mutuus inde mihi.*

*Quis*



Quis Deus Octavi te nobis abstulit? an quæ  
 Dicunt, ab nimio pocula dura mero?  
 Vobis si culpa est bilis: sua quæque sequuntur  
 Fata: quod immeriti crimen habent cyathi.  
 Scripta quidem tua nos multum mirabimur: & te  
 Raptum, & Romanam flebimus historiam.  
 Sed tu nullus eris. perversi dicite Manes,  
 Hunc superesse patri quæ fuit invidia?

OPUSCULORVM FINIS.

Collegij Societatis JBV Paderbornæ 1658.

EXCVDEBAT ANTVERPIÆ CHRISTOP.  
 PLANTINVS ANNO CL. IO LXVI.  
 XIX. KAL. FEBRVARII.